



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 98. Sessio XXXIX. Concilii Basileensis, in qua Amadæi electio confirmatur.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV
A.C. 1439

viginti sex suffragia die quinta Novembris Papa renuntiatus fuit. Eventus iste ab adstantibus summis lætitiæ signis accipiebatur, atque illico vocabantur Notarii, & testes, qui publicum electionis factæ instrumentum conficerent. Denique Amadæus hora prima pomeridiana ex conclavis fenestra Pontifex proclamabatur, & Cardinalis Arelatensis nomen illius confluenti populo denunciabat. Post hæc omnes Electores circa horam tertiam sacris vestibus induti, e conclavi progrediebantur, atque a Clero, qui ante conclavis januam expectabat, ad Cathedralem Ecclesiam deducebantur. Eousque Æneas Sylvius duos suos libros de gestis Basileensis Concilii perduxit.

§. XCVIII.

Sessio XXXIX. Concilii Basileensis, in qua Amadæi electio confirmatur.

Aug. Patric. hist. Concil. Basil. & Florent. n. 103. p. 1580. ex tom. 12. Conc. p. 636. Basileenses die decima septima Novembris celebrabant Sessionem trigesimalam nonam, in qua Amadæi electionem confirmantes declarabant, eundem absque ulla exceptione ab universali Ecclesia reputari debere electum in summum, & Romanum Pontificem. Postea deligebantur Legati, qui Amadæo suæ electionis nuntium deferrent, atque illum, ut eandem ratam

ratam haberet, inducerent. Hi erant ^{Sæcul. XV.} Cardinalis Arelatensis Synodi Præses, septem Episcopi, tres Abbates, quatuordecim Doctores, unacum Comite de Tierstein Protectoris vices agente, omnes numero viginti quinque. Digrediebantur Basilea die undecima Decembris, non nisi tamen vigesima ejusdem Mensis Ripaliam veniebant. Ipsemet Amadæus Legatis obviam sese intulit, Eremitis, atque familiaribus suis stipatus. Legati vero adventus sui causam quidem exponebant, Synodi tamen literas nondum eidem porrigebant, nec ipsius assensum sollicitabant, sed alia duntaxat die audiri postulabant, quod & ipsis triduo post concessum.

§. XCIX.

Basileensium Legati ab Amadæo ad alloquium admissi.

Hoc temporis intervallo ii, qui Duci a consiliis erant, quædam postulata Legatis exponebant, præprimis ergo Jurisjurandi sacramentum, quod Amadæus præstaret, emendari petebant: dein postulabant, ut habitu & barba, quam satis promissam Eremitarum more gestabat, adhucdum ei uti liceret, nec illius nomen mutaretur. Respondebant Legati. I. Sibi quicquam juramento addere,